

檳城新報

印三拜禮牌門路二十三零二及號十三百二號八十二百二第街中在設開館本

Printed and Published by Lim Seng Hoo at the Criterion Press, Nos. 228, 230 & 232, Beach Street, Penang.

英一千八百九十
九年九月廿七號

清光緒二十五年
己亥八月廿三日

售出債各司公限有弟兄葛綴

KATZ BROTHERS Limited, Penang.


駝駱上頂
帶車火毛
售發

柴火標鷹



本公司所售鷹標火柴工料精妙
既擦燃之如意復潮濕之無虞誠
與猴標相伯仲已蒙 諸君試用
各屬流行即本埠社尾協振號綴
羅申街晉昌號及嶼中各大商家
均有代兌 諸君賜顧者請認飛
鷹標頭為記庶不致誤此佈
大清光緒丙申年四月十七日
大英一千八百九十六年五月十
九號
綴葛兄弟公司啓

酒池連萬力國



此不此辨者賜諸稱均飲凡甚酒與精之法造此
佈換標明請頌君善各者沽青味常妙製酒

酒威已實堅武



謹為認 補味久杞自敬
此記此 諸血清已酒到啓
佈庶印 君氣香馳來頂者
不紅光 壯飲名檳上本
問致罐 願筋之其出威公
悞頭請 骨能氣售實司



酒蜜標頭猪雄

T.B. HALL & CO



啟者本公司有列換威所製大小各式駝駱毛火車帶發售該帶料
美工良製造結實耐用極耐久而又無陸續伸長之弊所有購用之人
噴噴稱善駝駱字號故能遠近馳名本司認真選辦色色俱佳價值
尤廉倘蒙 諸君賜顧認明標頭為記庶不致誤特此佈 聞
光緒戊戌年九月初十日 向副代理人義興街吳德志
檳城土庫街二十三號門牌綴葛兄弟有限公司啟

售發油土標龍



啟者本公司新到龍印土油
來檳出售 諸君光顧其油
選擇精料配製燃燈光亮無
煙可向代理人中街德號
羅申街瑞遠號裕勝號採買
便是特此佈 聞

錄目

- 讀二十日上諭書後
- 錫務日紀
- 新律訂誤
- 泰西仕學
- 鷺興秋光
- 上諭恭錄
- 死裏逃生
- 密諭求救
- 望切扶天
- 面訴盜案
- 英京電音
- 一擒成縱
- 臣知有君
- 重興學堂
- 各行告白
- 西報撮譯
- 罪不容誅
- 互相爭權
- 募選水師
- 輪船行期
- 虎畏胭脂
- 黃堂紀案
- 黨攻何益
- 川督講武
- 滙票行情

七月三日奉 上諭以服藥日久未見大效朱焜門定齋均節回原省草莽下土恭讀之下不禁怦然有動於中而不能
已於言也按自今歲以來 皇上脉案奉 旨由軍機處五日一次發各督撫閱看閱歷次所得脉案大率重現疊矩一字
不易非日時常滑精以致精神欠佳肢體倦怠即日夜間發熱動坐氣喘步履非日氣血久虧以致週身時覺不適即
曰水虧火旺不受補劑是以用藥掣肘乃親所開藥方則無非茯苓棗仁白芍甘菊等類夫此數種藥味乃清養疏導之品
而非治滑精氣喘血久虧之品也曾是身任院使之御醫與夫保舉入京之醫生乃敢以庸劣伎倆視 皇上為孤注耶
其不可解者一也民間富貴之家偶患疾病延醫診治日久不愈必當易醫即醫者一試不效亦必用詳審慎另易他藥以
進斷不敢始終堅執永遠不易乃 皇上得疾已及一年之久而所服茯苓棗仁白芍甘菊等類即已一年之久豈除此數
味以外即無他藥耶抑 皇上玉食萬方自有定制惟此數味乃堪進御耶抑進御者別有他藥而藥方中特故開此數味
宣示臣民以安慰人心耶其不可解者二也聞之自京至者言 皇上今年於軍國大事已不獲與聞然 聖躬康健實無
他恙雖不敢遽信為必然然觀邸抄所載 召見臣工如故 陛見各隨使臣如故中外人士所言異口同聲或曰 皇上
已獲大安或曰 聖躬早占勿藥乃今則朕躬服藥日久未見大效之 諭已明見諸 玉音所見所聞實相矛盾堂虛高
遠安得親叩 起居一慰天下臣民之想望其不可解者三也又讀五月二十七日 上諭內務府奏門定齋呈請回旗據
情代奏一摺門定齋隨同太醫院診脈半年有餘現在朕躬尚待調理何得遽請回旗所請著不准行欽此 聖諭煌煌甫
隔兩月何以又并朱焜均節回原省豈二人醫理與太醫院諸臣無以稍勝近始為 聖明所洞知故遣之使去耶抑有維
持調護之責者惡二人在內尚多不便故斥之使去耶綜觀前後疑竇實多其不可解者四也又查光緒七年 皇太后久
疾不愈有 旨令各省督撫保薦通達醫理之官吏入京請脈次年遂報大安諸臣亦應感賞 皇上近事正復相同而食
毛踐上之張其每飯必祝之思實較昔者 皇太后有疾時為尤甚乃人心所向未蒙天佑亦請脈諸臣實職其咎故有
此遣回一籍之 諭耶抑別有尸之者在也其不可解者五也嗚呼宮庭深閨自古難言桐宮三祀問復辟之何年金膝一
篇存史氏之疑案 皇上為天下共戴之君 皇上有疾即為天下四萬萬人所 當憂危之事故敢舉其所見商之天下
惟智者鑒焉

上諭恭錄 ○七月廿九日內閣抄奉 硃筆桂春補授太常寺卿欽此同日奉 上諭魏光燾奏分別舉劾屬員
等語陝西候補道黃澤厚練達和平清操自勵漢中府知府常祿稔老成實心任事與安府知府張錫操持較介踐履篤
實以上三員均着該撫給咨送部引見甄軒廳通判魯沛既據該撫奏稱率意科罰不知檢束僅請開缺調省查看殊屬輕
縱魯沛著即行革職洛川縣知縣王祖植下無方辦事含糊著開缺另補甄軒廳巡檢王肇履性情貪狡挾詐營私吳堡
縣典史鄒仁志操守平常聲名甚劣均着即行革職餘着照所議辦理該部知道欽此卅日內閣抄奉 上諭湖南辰州府
知府員缺着吳積旬調補所遺直隸大名府知府着李蔭梧補授欽此同日奉 上諭山西汾州府同知朱焜廣東駐防漢
軍監生門定齋前因通曉醫學保送來京隨同太醫院請脈脈推朕躬服藥日久未見大效朱焜門定齋均着節回原省欽此

望切扶天 ○英國伯晤士尼議政員華爾頓近至東方遊歷在北京電致倫敦謂日本政府近來極欲英國居間為中國排解各事始可定局并言日本各大員亦有此心否則中國必將不免瓜分之禍云譯文滙報

重興學堂 ○頃探知江南高等學堂已改為江左書院堂中章程仍照舊規惟一切費用大加撙節漢文教習亦已裁去仍作官紳合辦之局每年撥給官款二萬兩以資應用如有不敷即由諸紳自行籌墊又近聞京中某大臣之意頗以南京裁撤高等學堂為可惜有令仍請開辦之說

募選水師 ○新造北洋兵船海圻海天兩艘抵津後由直督裕制軍勘驗等情已紀前報茲聞制軍飭募水師舊部八百名每船分派四百名由水師統領募選日內即可登艦開操矣

川督講武 ○四川總督奎樂峰制軍自擊時艱知練兵為今日要務爰擬將各營伍一律改練洋操又從日本遊擊井戶氏之請延某武員為教習據情入奏 九重一面派總兵丁鴻臣鎮軍福建候補道沈聖卿觀察前往日本查看營制七月二十日鎮軍與井戶氏由渝乘舟東下繞道武昌俾與湖廣督憲張香帥面商方畧並觀鄂省新軍一切操法然後由滬赴東瀛以資閱歷俟有端緒即回川稟覆酌酌施行

驚嘆秋光 ○日本水手刃傷華人三名一案曾經迭次刊錄嗣查此案由長慶號東洪君友梅再三在日領事衙門駁辯日領事始將該水手監禁不料被傷之華人三名刀創尚未痊愈而日領事以華人可無性命之憂遂即照會憐心私道憲及方樞亭分府謂該水手業已監禁十五日例得釋放云云長慶號東洪君深明東律一聞此信即馳往日署與之辯論云照貴國律例科斷此事重則監禁七年輕亦監禁三年刻彼傷華人尚未痊愈何以貴領事竟將日犯監禁十五日即行釋放之理似此未免過於偏袒按諸公法亦殊不合云云日領事無言可答惟云業已釋放令其再為服禮可也聞洪君再三不允未知將來如何設法以處之也○周子迪廉訪于去月廿一日在厦將租界議定後隨于廿二日六點鐘時乘座元凱兵輪前赴泉州閱兵及廿六日復由泉回厦廿七日晉省聞閩藩李勉林方伯改調他省而新任張潤生藩憲又未前來閩督擬以周子迪廉訪升署是缺云

面訴盜案 ○新甯縣南草鄉彭族被賊千餘白晝持械挨戶搜劫已錄前報迨十八日府憲陳太尊覆考文童時縣屬童生百餘人齊進至公堂面遞稟詞備訴劫案太尊閱稟後詢問該鄉距那扶廣海等營遠近各童對以距那扶營約百里距廣海營二十餘里太尊勃然變色問廣海都司當時何以不赴救各童答云初七日該都司會同縣主到勘驗太尊怒曰似此大劫初二日出案該縣何以初七日方到勘驗太息數聲諭俟該縣稟報到府即當通詳大憲勒限營縣早日破獲各童遂退

折股聲明 ○敬啟者我曾桂芳於甲午年在日裡棉蘭與陳清春 張傳發合夥集豐號什貨生理惟傳發經先折出我於本年四月間生理結算截止自願另圖別業故將集豐生理全盤歸陳清春頂受當面公議將我名下母利抽出若後生理盈虧得失猶非我事如在集豐往來數項者照承頂人理會與我曾桂芳無涉先登報章務免後論 大清光緒二十五年八月廿一日 日裡棉蘭曾桂芳告白

拍賣當舖各物告白 ○啟者茲將西一千八百九十九年二月及三月各當舖所當滿號各物在十元以上者盡行拍賣定西十月六號及七號即華九月初二日及初三日等在港仔口五十六號門牌本館拍賣 諸君合意者屆期請到是處承買現銀領貨此佈 拍賣人安多年告白 光緒二十五年八月廿一日

招辦餉碼告白 ○大和蘭國駐紮檳城領事官實比勝為招投餉碼事照得望加麗轄內○一碩莪及蠟等餉碼○二峇眼亞比亞比之當碼俱已定和九月廿八號即華八月廿四日禮拜四早十點在望加麗出投此碼係由和一千九百年正月一號起至一千九百零一年三月三十一號止或由一千九百年正月一號起至一千九百零二年三月三十一號止均無不可凡有商人欲來承辦者准於是日投票所有一切情形請即到本署查閱自悉其詳此佈 西一千八百九十九年九月一號 大清光緒二十五年七月廿七日 告白

訪尋命埋先生 ○予於癸巳歲在本埠觀音廟邊天下第一命埋相法館中獲晤潘中岳先生請其批寫命書於今七年所歷運途與先生所評者若合符節先生之知命固有可以前知者名為天下第一家詢不愧也予忝無以為報爰刊列報章倘 諸君子有知先生現在蹤跡者煩為代報請到廣福居公館弟蒙其定命之恩將圖報焉 光緒己亥年七月初九日 英一千八百九十九年八月十四號 林克全謹啟

檳城乾元保安有限公司告白 ○敬啟者茲訂於本年十月二十日上午十一點鐘啟請 諸股東齊到本公司會議查閱第十四屆結賬并公舉第十五屆新總理當希如期蒞臨是荷 光緒己亥年七月二十日 總理人謝德泰承謹啟

黃堂紀案 ○廿一日荷太守提訊吉寧人加里勿格酒一案據二百九十六號巫差稟稱廿七日早七點餘值派押華犯二名往四坎店捕房路見加里勿格酒鬧事故執之送案等情轉訊加里勿格供云是早小人之伴某在該處賣生牛乳該差向其求漿解渴件斬不與因而口角小人間聲上勸止差忿甚遂被執云云太守錄兩供詞不啻已見其肺肝即提筆判釋加里勿格差銀二元而與之以慰其被拘之屈○又廿八早八點潮人詹周全在吊橋頭地方向同籍人黃安追討欠項唇舌交攻勢將用武詹周亞字從旁解勸反被黃傷其頭額遂呼差執黃送案同日屈太守訊悉各情判罰黃銀五元○又潮人胡阿順十九早七點在大門樓擺賣菜蔬因用短秤被八百一十八號差所執廿一日屈太守訊判罰銀三元○又十三號英差十九日上午巡經往新街八十五號門牌屋內執聚賭粵人十名解案同日堂判每人罰銀三元○又二畫二十五號巫差十九夜十一點至過港仔新路門牌三十號東洋車館內執聚賭粵人十名廿一日荷太守提訊以其偶爾消遣情有可恕並皆判釋

新律訂誤 ○日前本報載有新律須知一則其前半多得之傳聞本館恐其語而不詳殊多貽誤謹摘譯憲報明文更為釐訂以供省覽其後半已詳前報無庸贅也譯譯如左 一係未成紙炮 藥料一係已成之紙炮及烟火等類其藥料如裝在鐵罐錫匣之內一磅以下者作紙炮論若過一磅以上則作火藥論 一欲製火藥與造紙炮無論在水面在山上其製造處所須由國家驗視並向制軍處請領牌照方可製造若違例察出者每日罰銀一千元其所有機器及一切藥料俱行充公 一藏貯紙炮無論在水面在山上若過五磅以上須向國家領牌未領牌以前或貯藏或發售俱須稟明出牌官由出牌官驗視然後批明可藏紙炮若干惟所出之字但限至西本年十二月三十一號止以後再換若過其所批發之數與所限之日罰銀不過五百元至所藏之紙炮府署可以酌裁充公 一所領之牌內註明何人姓名即為該物之主若欲改屬他人則承受之人須再換其自己之名 一凡領有牌照之人須做一牌其中須以英字註明一切懸諸門首案目共觀之處若無領給牌照之人私行仿造懸掛者罰銀一百元 一領給牌照之人其收藏處所既經國家驗視之後其房屋不得私自修改 一領有牌照之店號紙炮過一十磅以上者不得再賣火牌違者每次罰銀廿五元 一紙炮若係暫時收貯當先稟明國家亦准給字 一既經領給牌照之後若國家欲將該牌照收回不論何時不論何故皆可收回 一收藏紙炮處所若故意放火及不小心失慎者每次罰銀五百元 一領牌之費每年每單三元其出入口起運以及遷徙俱須出字其費每單須銀五角

密諭求救 ○字林報言 中國皇上手修密諭一紙密令心腹太監往投駐京日本公使囑其轉致日皇求其拯出火水之中接近日謠傳紛紛西想非無因而致也信然則朝事迫矣

臣知有君 ○字林報又云北京西友來函聞近有督撫數人與內廷數大臣曾密奏 太后謂如有廢 今上而另立他主之事彼等決不以為是查所入奏者并無旗滿一人在其中

互相爭權 ○皇太后違和慶王榮祿互相齟齬頗不和洽 皇太后聞之即召慶榮二人至內諭曰現值國家多事強鄰日逼爾等和衷辦事稍恐無濟况互相齟齬乎以後各司其事可也不得有違若故態復萌余將汝二人之兵權畀伊藤及李鴻章二人矣言至此聲色俱厲二人惴惴退去又聞近日慈躬已痊惟覺疲軟而已譯上海字林西報

何益 ○上海報謂慶親王與榮祿彼此爭權各不相下而其黨羽亦互相攻訐如御史余誠格張仲忻相繼參劾楊崇伊為劉慶使東之事蓋余張黨於榮而楊乃慶王黨也近聞楊復効武衛軍張俊八款而効榮祿去歲康有為之去津實榮祿有意縱之蓋因捕拿一電到津一日後始派飛鷹追捕致張追及今特舉發以攻榮想兩黨如此攻擊實非 朝廷之益也

泰西仕學 ○泰西讀書人生計最廣男女無不學藝讀書者生四五歲每教之玩耍玩耍之物皆有字跡可以學認童而習之未入塾之先識字已多七歲入塾就傳每日以三時許讀書申刻後遊玩必令其天機暢適不以為苦年日長學日進至二十歲無不成者即在學堂考試文理明通者無不取錄後再入太學專習一二事分為四科一為格致二為政事三為文教四為醫學亦學中考試錄取後尚不得授官必自備資斧隨同相識之官習練三四年方得補小官循資升用不得超擢且終身官一部不得他調故能專心致力克盡厥職其有文理未能明通者即令其舍難從易棄大就不得拔入太學中國士冠四民之首為士者每鄙農工商為不足道為農工商者亦自視為不足齒故士多困而商多卑鄙泰西則農工商中各有士在故種植製造買遷等事皆能益求精進此讀書人所以各有藝業不致坐荒歲月垂老無成也其學格致科者考取後即為農工商之士與政事之士其貴相埒

黃堂紀案 ○廿一日荷太守提訊吉寧人加里勿格酒一案據二百九十六號巫差稟稱廿七日早七點餘值派押華犯二名往四坎店捕房路見加里勿格酒鬧事故執之送案等情轉訊加里勿格供云是早小人之伴某在該處賣生牛乳該差向其求漿解渴件斬不與因而口角小人間聲上勸止差忿甚遂被執云云太守錄兩供詞不啻已見其肺肝即提筆判釋加里勿格差銀二元而與之以慰其被拘之屈○又廿八早八點潮人詹周全在吊橋頭地方向同籍人黃安追討欠項唇舌交攻勢將用武詹周亞字從旁解勸反被黃傷其頭額遂呼差執黃送案同日屈太守訊悉各情判罰黃銀五元○又潮人胡阿順十九早七點在大門樓擺賣菜蔬因用短秤被八百一十八號差所執廿一日屈太守訊判罰銀三元○又十三號英差十九日上午巡經往新街八十五號門牌屋內執聚賭粵人十名解案同日堂判每人罰銀三元○又二畫二十五號巫差十九夜十一點至過港仔新路門牌三十號東洋車館內執聚賭粵人十名廿一日荷太守提訊以其偶爾消遣情有可恕並皆判釋